

Bosna i Hercegovina
Federacija Bosne i Hercegovine
Unsko - sanski kanton
OPĆINA KLJUČ
OPĆINSKI NAČELNIK



Bosnia and Herzegovina
Federation of Bosnia and Herzegovina
Una - Sana canton
MUNICIPALITY OF KLJUC
MAYOR OF MUNICIPALITY

Služba za razvoj, privredu i civilnu zaštitu

**PROGRAMA UTROŠKA SREDSTAVA
ZA PODSTICAJ POLJOPRIVREDNOJ PROIZVODNJI
NA PODRUČJU OPĆINE KLJUČ ZA 2023.GODINU**

Ključ: mart 2023. godine

PROGRAM UTROŠKA SREDSTAVA ZA PODSTICAJ POLJOPRIVREDNOJ PROIZVODNJI NA PODRUČJU OPĆINE KLJUČ ZA 2023.GODINU

I. UVOD

U Federaciji BiH, Kantonima i pojedinim općinama donesene su srednjoročne strategije razvoja što je slučaj i sa općinom Ključ. Općina Ključ raspolaže sa izuzetno povoljnim resursima za uspješnu primarnu poljoprivrednu proizvodnju. Proizvodnja hrane u svijetu svakim danom postaje sve veći problem. Cilj mnogih zemalja je da svoje stanovništvo prehrani svojom proizvodnjom. To i jeste naša prilika i šansa da resurse sa kojima raspolažemo značajnije iskoristimo i da poljoprivreda na ovom području postane istinski nosioc sveukupnog ekonomskog razvoja. Općina Ključ je na vrijeme prepoznala potrebe za podrškom poljoprivrednika tako da je zadnjih godina kontinuirano Budžetom izdvajala značajna sredstva za podsticaje poljoprivrednoj proizvodnji.

Vlada Unsko-Sanskog kantona i Vlada Federacije Bosne i Hercegovine je u 2021. i 2022.godini donijela niz mjera koje podrazumijevaju veću podršku poljoprivrednoj proizvodnji, a uvažavajući trenutnu situaciju i potrebu povećanja obima poljoprivredne proizvodnje i sigurnost prehrane stanovništva u Federaciji BiH.

Budžetom općine Ključ za 2023.godinu na ekonomskom kodu 614500 – Subvencija poduzetnicima - Podsticaj poljoprivrednoj proizvodnji utvrđena su sredstva u iznosu od 150.000,00 KM (stotinupedeset i 00/100) KM.

U izradi izmjene Programa za 2023. godinu razmatrani su parametri :

- Strateška opredjeljenja općine Ključ i USK-a, korištenje poljoprivrednih površina i mogućnost proizvodnje, mogućnost zapošljavanja
- Resursne mogućnosti općine Ključ
- Proizvodni rezultati u primarnoj poljoprivrednoj proizvodnji od 2005 – 2022.god.
- Zakonske i programske obaveze
- Analiza realizacije novčanih podrški u predhodnim godinama

Iz ovih razloga, na području općine Ključ planirano je u ovoj godini podrška za različite programe pokretanja proizvodnje i proljetne sjetve.

Ovim sredstvima nije moguće podržati sve proizvodnje u poljoprivredi.

Smatramo da bi se ova sredstva trebala utrošiti na najracionalniji način, gdje bi se stimulisale najrasprostranjenije/najzastupljenije proizvodnje i nove proizvodnje.

Na osnovu naprijed navedenih parametara izrađen Programa utroška sredstava sa kriterijumima raspodjele sredstava "Podsticaj poljoprivrednoj proizvodnji" na području općine Ključ za 2023.godinu.

II. KRITERIJI ZA RASPODJELU

Odobrena finansijska sredstva iz Budžeta općine Ključ "Podsticaj poljoprivrednoj proizvodnji" na području općine Ključ za 2023.godini će se fizičkim i pravnim licima poljoprivrednim proizvođačima, udruženjima poljoprivrednih proizvođača (u daljem tekstu – korisnici) raspoređivati prema opštim i posebnim kriterijumima.

1. OPŠTI KRITERIJI

Pravo na novčane podrške stižu :

- Korisnici koji su proizvodnju zasnovali i ostvarili na području općine Ključ.
- Korisnici koji posluju na području općine Ključ, koji su upisani u Registar poljoprivrednih gazdinstva (RPG) i Registar klijenata (RK) u općini Ključ.
- Korisnici koji su izvršili ažuriranje/promjenu podataka u Registru poljoprivrednih gazdinstva (RPG) i Registru klijenata (RK) u općini Ključ u 2023.godini.

2. POSEBNI KRITERIJI

Pravo na novčane podrške stižu :

- Korisnici koji ispunjavaju uslove propisane Uputstvom i posebnim Pravilnicima koje će naknadno izraditi Služba za razvoj, privredu i civilnu zaštitu za svaku proizvodnju pojedinačno .

III. VRSTE NOVČANIH PODRŠKI

Ovom Programom utroška sredstava za poticaj poljoprivrednoj proizvodnji na području općine Ključ za 2023.godinu utvrđuju se novčane podrške za:

B - BILJNA PROIZVODNJA

U okviru biljne proizvodnje:

B-1. Program podsticaja proizvodnje, podsticaj proljetne sjetve - sjetva kukuruza u 2023. godini.

B-2. Program podsticaja proizvodnje povrća na otvorenom - proizvodnja merkantilnog krompira i mladog krompira u 2023. godini.

B-3. Program podsticaja proizvodnje povrća u zatvorenim prostorima, plastenicima u 2023. godini.

B-4. Sufinansiranje troškova zaštite malina za kooperante proizvođače malina na području općine Ključ koji imaju potpisane ugovore sa registrovanim otkupljivačima ili prerađivačima na području BiH, koji su registrovanim otkupljivačima predavali/prodavali maline u 2023.godini.

B-5. Sufinansiranje troškova zaštite zasada krastavaca – kornišona za kooperante proizvođače krastavaca kornišona na području općine Ključ koji imaju potpisane ugovore sa registrovanim otkupljivačima ili prerađivačima na području BiH, koji su registrovanim otkupljivačima predavali/prodavali krastavce kornišone u 2023.godini.

C – OSTALE VRSTE PODRŠKI

Vezane za poljoprivrednu proizvodnju:

C-1. Sufinansiranje troškova provođenih mjera dehelmentizacije goveda u 2023.godini.

C-2. Sufinansiranje projekata iz oblasti poljoprivrede u 2023.godini

C-3. Subvecija udruženju pčelara „Pčela” Ključ

C-4. Sufinansiranje rada Izvještajno prognozne službe (IPS) Unsko-sanskog kantona

C-5. Rezervna sredstva (hitni i nepredviđeni izdaci).

<i>R. br</i>	<i>VRSTA PROIZVODNJE</i>	<i>Iznos sredstava</i>	<i>Planiran obim podsticaja</i>	<i>Ukupan iznos sredstava KM</i>	<i>Norme i limiti za podsticaj</i>
B- Biljna proizvodnja					
1.	Program podsticaja proizvodnje, podsticaj proljetne sjetve – sjetva kukuruza u 2023. godini.	80.000,00		80.000,00	Donijeće se Pravilnik i objaviti Javni poziv
2.	Program podsticaja proizvodnje povrća na otvorenom - proizvodnja merkantilnog krompira i mladog krompira u 2023. godini.	5.000,00		5.000,00	Donijeće se Pravilnik i objaviti Javni poziv
3.	Program podsticaja proizvodnje povrća u zatvorenim prostorima, plastenicima u 2023. godini.	10.000,00		10.000,00	Donijeće se Pravilnik i objaviti Javni poziv
4.	Sufinansiranje troškova zaštite malina za kooperante proizvođače malina na području općine Ključ koji imaju potpisane ugovore sa registrovanim otkupljivačima ili prerađivačima na području BiH.	5.000 KM Ukupna otkupljena količina malina kg	Sva otkupljena količina malina	5.000,00	Nakon dostave rastara od strane otkupljivača – obračun i isplata kooperantima po kg otkupljenih malina
5.	Sufinansiranje troškova zaštite krastavaca kornišona za kooperante proizvođače kornišona na području općine Ključ koji imaju potpisane ugovore sa registrovanim otkupljivačima ili prerađivačima na području BiH.	3.000 KM Ukupna otkupljena količina kornišona kg	Sva otkupljena količina krastavaca kornišona	3.000,00	Nakon dostave rastara od strane otkupljivača – obračun i isplata kooperantima po kg otkupljenih kornišona
C - Ostale vrste podrški					
1.	Sufinansiranje troškova provođenih mjera dehelmentizacije goveda u 2023.godini.		Sva grla goveda	18.000,00	Sva grla krupne stoke - goveda na području općine
2.	Sufinansiranje projekata iz oblasti poljoprivrede u 2023			13.000,00	Donijeće se Pravilnik i objaviti Javni poziv
3.	Subvecija udruženju pčelara „Pčela” Ključ			10.000,00	Sredstva će biti utrošena po Programu dostavljenom od strane udruženja
4.	Sufinansiranje rada Izvještajno prognozne službe (IPS) Unsko-sanskog kantona			1.000,00	
5.	Rezervna sredstva (hitni i nepredviđeni izdaci)			5.000,00	

IV. NAČIN OSTVARIVANJA NOVČANIH PODRŠKI

Zahtjev za ostvarivanje prava na podrške na propisanim obrascima podnose se Službi za razvoj, privredu i civilnu zaštitu općine Ključ.

Krajnji rokovi za podnošenje zahtjeva biće propisani Uputstvom, a za posebne Pravilnike Javnim pozivom.

Zahtjevi zaprimljeni nakon utvrđenog roka neće se obrađivati.

Uz zahtjeve, koji se podnose na propisanim obrascima, prilaže se potrebna dokumentacija (original, ovjerena fotokopija ili kopija) koja će se propisati Uputstvom, posebnim Pravilnicima i Javnim pozivima.

Dokumentacija korisnika dostavlja se na protokol općine Ključ i uvodi se u djelovodnik predmeta i akata i momentom upisa postaje službena dokumentacija sa kojom se postupa u skladu sa Uredbom o kancelarijskom poslovanju organa uprave i službi za upravu Federacije Bosne i Hercegovine („Službene novine Federacije BiH”, broj 20/98) i Uputstvom o načinu vršenja kancelarijskog poslovanja u organima uprave i službama za upravu u Federaciji BiH („Službene novine Federacije BiH”, broj 30/98 i 49/98).

Provjera statusa korisnika u Registru poljoprivrednih gazdinstava (RPG) i Registru klijenata (RK) - upis u Registre i ažuriranje/promjena podataka u 2023. godini, vršiti će se po službenoj dužnosti u Službi za razvoj, privredu i civilnu zaštitu.

Nadležna služba zadržava pravo višekratne provjere na 10% podnesenih zahtjeva metodom slučajnog uzorka do isteka kalendarske godine za činjenično stanje ostvarene proizvodnje.

Ukoliko se utvrdi da su sredstva ostvarena na ime novčanih podrški utrošena nenamjenski, ili su ostvarena na osnovu lažno prikazane proizvodnje ili lažno predočene dokumentacije, nadležna općinska služba će donijeti rješenje o povratu sredstva, a korisnik je dužan da vratiti novčana sredstva u roku od 30 dana od dana pravosnažnosti rješenja i novi zahtjev za ostvarivanje prava na novčani podsticaj za proizvodnje može podnijeti, nakon dvije godine, od dana povrata novčanih sredstava naloženih rješenjem.

Komisija imenovana od strane Općinskog načelnika općine Ključ će razmatrati dostavljene Programe na koje će davati mišljenje, a Služba za razvoj, privredu i civilnu zaštitu će provoditi postupke o ispunjavanju uslova kandidata za ostvareno pravo na novčane podrške.

Biljna proizvodnja

B-1. Program podsticaja proizvodnje, podsticaj proljetne sjetve - sjetva kukuruza u 2023. godini.

Prava na podsticaje ostvaruju korisnici, poljoprivredni proizvođači koji su izvršili nabavku/kupovinu sjemena kukuruza, koji će izvršiti sjetvu istog. Nakon donošenja i objave Pravilnika objaviće se Javni poziv, korisnici će podnositi zahtjeve za ostvarivanje prava na podršku po Javnom pozivu.

B-2. Program podsticaja proizvodnje povrća na otvorenom - proizvodnja merkantilnog krompira i mladog krompira u 2023. godini.

Prava na podsticaje ostvaruju korisnici, poljoprivredni proizvođači koji su izvršili nabavku/kupovinu sjemena krompira, maksimalno 2.500 kg/ha, koji će izvršiti sadnju i proizvodnju istog na površini od minimalno 0,2 ha do maksimalno 0,5 ha. Nakon donošenja i objave Pravilnika objaviće se Javni poziv, korisnici će podnositi zahtjeve za ostvarivanje prava na podršku po Javnom pozivu.

B-3 Program podsticaja proizvodnje povrća u zatvorenim prostorima, plastenicima u 2023. godini

Prava na podsticaj ostvaruju korisnici, poljoprivredni proizvođači povrća u zatvorenom prostoru na području općine Ključ, koji izvrše nabavku/kupovinu presadnica povrća od strane

registrovanog proizvođača presadnica, koji zasade i proizvedu povrće na najmanjoj površini od 100 m² i sa minimalnim brojem presadnica 2,5 kom/m².

Nakon donošenja i objave Pravilnika objaviće se Javni poziv, korisnici će podnositi zahtjeve za ostvarivanje prava na podršku po Javnom pozivu.

B-4. Sufinansiranje troškova zaštite malina

Prava na podsticaje ostvaruju korisnici, poljoprivredni proizvođači malina za sufinansiranje troškova zaštite malina na području općine Ključ. Kooperanti/proizvođači malina koji imaju potpisane ugovore sa registrovanim otkupljivačima ili prerađivačima za otkup malina na području BiH.

Nakon završetka otkupa registrovani otkupljivač ili prerađivač će u ime korisnika općini Ključ dostaviti zahtjev i ovjeren raster/spisak otkupljenih količina malina za 2023.godinu.

Na osnovu dostavljenih rastera/spiskova i ukupne količine otkupljenih količina malina formiraće se visina podrške po kilogramu (iznos od 5.000 KM/ukupno otkupljena količina malina u kg).

B-5. Sufinansiranje troškova zaštite krastavaca kornišona

Prava na podsticaje ostvaruju poljoprivredni proizvođači krastavaca kornišona za sufinansiranje troškova zaštite zasada krastavaca kornišona na području općine Ključ. Kooperanti/proizvođači krastavaca kornišona koji imaju potpisane ugovore sa registrovanim otkupljivačima ili prerađivačima za otkup krastavaca kornišona na području BiH.

Nakon završetka otkupa registrovani otkupljivač ili prerađivač će u ime korisnika općini Ključ dostaviti zahtjev i ovjeren raster/spisak otkupljenih količina krastavaca kornišona za 2023.godinu.

Na osnovu dostavljenih rastera/spiskova i ukupne količine otkupljenih količina krastavaca formiraće se visina podrške po kilogramu (iznos od 3.000 KM/ukupno otkupljena količina krastavaca kornišona u kg).

Ostale vrste podrški

C-1. Za sredstva predviđena za Sufinansiranje troškova provođenih mjera dehelmentizacije goveda u 2023.godini.

Sredstava će biti doznačena veterinarskim organizacijama na području općine Ključ po 4.500,00 KM po donošenju Odluku o sufinsiranju mjere a ostatak sredstava nakon izvršene mjere i dostavljanja izvještaja sa spiskovima.

Ministarstvo poljoprivrede, vodoprivrede i šumarstva USK je na osnovu člana 200. Zakona o upravnom postupku („Službene novine Fedracije BiH“, broj 2/98 i 48/99), a u skladu sa Pravilnikom o uslovima obavljanja veterinarske djelatnosti („Službene novine Fedreracije BiH“, broj 05/16), donijelo Rješenja o dodjeli područja djelovanja na epizotološkim jedinicama (općinama).

Javno preduzeće „Veterinarska stanica Ključ“ d.o.o. Ključ i „Veterinarska stanica Dr. Imširević“ d.o.o. Ključ će provoditi mjere na dodijeljenim područjima djelovanja na epizotološkoj jedinici općine Ključ.

Općinski načelnik će donijeti Odluku o sufinsiranju mjere, kojom će se precizirati način doznake sredstava veterinarskim organizacijama, vremenskom periodu provođenja mjere, načinu dostavljanja faktura sa izvještajima.

Obračun novčane podrške će se vršiti na osnovu broja grla iz spiskova dostavljenih od strane ovlaštenih veterinarskih stanica.

C-2. Sufinansiranje projekata iz oblasti poljoprivrede u 2023

Nakon došenja i objave Pravilnika objaviće se Javni poziv, korisnici će podnositi zahtjeve za ostvarivanje prava na podršku po Javnom pozivu.

C-3. Subvecija udruženju pčelara „Pčela” Ključ

Za sredstva predviđena za ostale vrste podrški C-3 isplata će se vršiti po dostavljenom Programu od strane udruženja čiji će sadržaj biti propisan Uputstvom. Nakon davanja mišljenja na Program od strane Komisije, Općinski načelnik će donijeti zaključak o isplati i visini novčanih sredstava predviđenih Programom.

C-4. Sufinansiranje rada Izvještajno prognozne službe (IPS) Unsko-sanskog kantona

Na osnovu dostavljenog zahtjeva za sufinansiranje rada IPS od strane Poljoprivrednog zavoda Unsko-sanskog kantona, Općinski načelnik će donijeti zaključak o isplati i visini novčanih sredstava predviđenih Programom.

C-5. Rezervna sredstva (hitni i nepredviđeni izdaci)

Za utrošak sredstava C-5 rezervna sredstva namijenjena za hitne i nepredviđene izdatke Općinski načelnik će donijeti zaključak o utrošku rezervnih sredstava.

U slučaju da se utvrđena kvota za pojedine vrste novčanih podsticaja radi objektivnih okolnosti u cjelosti ili djelimično ne iskoristi, Općinski načelnik će svojim zaključkom omogućiti da se neutrošena sredstva usmjere na druge stavke unutar te oblasti.

V. SVRHA PROGRAMA

Svrha ovog programa je :

- Povećanje poljoprivredne proizvodnje
- Zadovoljenje tržišta vlastitim proizvodima
- Interesno povezivanje poljoprivrednih proizvođača
- Stvaranje tržišno orjentisanih proizvođača
- Kvalitetnija veterinarsko - zdravstvena zaštita životinja
- Ruralni razvoj

VI. VISINA SREDSTVA

Sredstva odobrena Budžetom općine Ključ za 2023.godinu iznose 150.000,00 KM , izraženo u procentima:

- B - Biljna proizvodnja – 68,67 %
- C - Ostale vrste podrški – 31,33 %

VII. IZVORI SREDSTAVA

Izvor sredstava za realizaciju Programa je Budžet općine Ključ za 2023.godinu, broj: od 02-02-169/23 od 06.02.2023. godine („Službeni glasnik Općine Ključ”, broj: 2/23), sredstva utvrđena na ekonomskom kodu 614500 - “Podsticaj poljoprivredoj proizvodnji ” u iznosu 150.000,00 KM.

EB/AČ

OPĆINSKI NAČELNIK
Nedžad Zukanović prof.

Broj: 04-20-199-4/23
Ključ: 15.03.2023.godine

OBRAZLOŽENJE

I - MATERIJALNO PRAVNI OSNOV

Materijalno pravni osnov za donošenje Programa utroška sredstava za podsticaj poljoprivrednoj proizvodnji na području općine Ključ za 2022.godinu je član 3. stav (3) Zakona o novčanim podrškama u poljoprivredi i ruralnom razvoju („Službene novine Federacije Bosne i Hercegovine“, broj 42/10), član 7. stav (6) Zakona o novčanim podrškama u primarnoj poljoprivrednoj proizvodnji na Unsko-sanskom kantonu („Službeni glasnik Unsko-sanskog kantona“, broj 07/08 i 4/12), Budžet općine Ključ za 2023.godinu, broj: od 02-02-169/23 od 06.02.2023. godine („Službeni glasnik Općine Ključ“, broj:2/23), član 62. Odluke o izvršavanju Budžeta općine Ključ za 2023.godinu broj: 02-02-170/23 od 06.02.2023. godine („Službeni glasnik Općine Ključ“, broj:2/23).

II – RAZLOZI DONOŠENJA

Razlozi donošenja Programa utroška sredstava za podsticaj poljoprivrednoj proizvodnji na području općine Ključ za 2023.godinu sastoje se od potrebe da se na zakonit i transparentan način provede postupak utroška sredstava utvrđenih ekonomskim kodom 614500 – Podsticaj poljoprivrednoj proizvodnji u Budžetu općine Ključ za 2023.godinu.

Služba za razvoj, privredu i civilnu zaštitu